

延吉縣志

延吉縣治之圖

北



四萬分之一之比例尺

二十里 十里 零 五里

县署
 道署
 守判厅
 磁窑
 银矿
 煤矿
 道路
 河川
 镇市
 村屯
 县界

延吉縣志

目錄

卷十二	卷十一	卷十	卷九	卷八	卷七	卷六	卷五	卷四	卷三	卷二	卷一
雜誌	禁烟	外交	禮俗	交通	教育	蠶業	警務	財政	戶口	土地	疆域

疆域

縣治輿圖

附圖

縣境面積

查延吉疆界東至汪清縣以嘎呀河為界距縣治一百里西至和龍縣以窩集嶺為界距縣治一百九十里南至和龍縣以鴉鶻砬子為界距縣治六十里北至汪清縣以吉清嶺為界距縣治一百里東南與和龍縣都嶺接壤相距七十里西南與和龍羊目頂子接壤相距七十五里西北與敦化哈爾巴嶺接壤相距二百里東北與汪清針菜嶺接壤相距七十里界周五百八十里面積都二萬三千四百七十五方里

縣治沿革

按縣治身自唐虞以迄周秦均為肅慎氏疆域而漢為樂浪郡東部東漢及三國為沃沮候所部兩番及南北朝為高句麗之地北魏及隋為靺鞨白山部之地唐及五代則為渤海之牽貳路至遼代仍取其名金代則為海蘭路開府之故地元代仍之明代則為衛所及前清設官分職先以

新地屬敦化繼又屬拉琿春都統至光緒二十九年始設延吉廳治宣統元年改州府治至民國
成立後新行統一官制凡有直轄地方長官官名一律改爲縣知事是年十二月改爲縣治

山嶺

縣境地勢向有平原多條山脈土嶺橫亘全境南有帽兒山馬鞍山綿延至西南伏而後起有元
寶山天寶山五魁頂子山山之西南行入奉天安圖縣界東北有磨盤山綿延至北伏而後起有
牛心山北行入寧安縣界西北有二甲山毗連者龍山鳳凰山西北行入敦化縣界其山之最高
大者則爲五魁頂山高度測量有九百尺周度約五十里縣治東北有延吉嶺小盤嶺又迤北有
牧丹嶺義松嶺老松嶺其西有老頭溝嶺至西北有荒溝嶺哈爾巴嶺錢盤嶺其嶺之最高大者
則爲哈爾巴嶺高度測量約七百八十尺周度約一百里動物產有鹿豹狐狼麋鹿獾鼠植物產
有松楸樺柞榆至於山嶺天然礦質曾經開採者天寶山之銀礦現在開採者老頭溝嶺之煤礦

江河湖泊

延吉無江又無湖泊唯西北有布爾哈通河發源哈爾巴嶺其流域經縣治西北到之羌兵台慶
聲磴子小坡子小營子銅佛寺圍繞至東南到朝陽川屯營子葫蘆頭溝經流縣治境地數二百
里至慶園會入海浪河至海浪河係布爾哈通河及帽兒山前河之匯流其流域經縣治東南部

之轉向壘樺樹川養菜溝等地點經流境內八十里至艾蒿甸子會入圖們江又有朝陽河發源於三道灣其流域縣治西北部之頭二三四五七八道等溝經流境內一百六十里至太平溝口會入布爾哈通河西北有延吉河發源於石人溝經過延吉掌其流域境內一百里至縣治西南極道河子會入布爾哈通河凡縣境諸河均不連航路民人亦不事稼圃故無舟楫灌溉之利水產有鯽魚鮎魚細鱗魚達嗎哈魚甲魚螃蟹等物夏暑若遇大雨連綿山水暴烈常有汎溢之患然亦偶然事耳

關卡

縣屬六道溝設有延吉分關專收山進口各貨之稅歸琿春關轄制

古蹟名勝

並原表不無此條然編纂志書亦不可省故連類及之

縣境西南八十里舊金代古城二座名以東古城子西古城子稱之從前士人於東古城子獲得金代古印一顆其文曰（上京路萬戶鈕字號印）字體類篆文查詢古城磚塔暨印皆為女真朝遺跡聞此物現在前邊務處保存又東南塔子溝地方有金代磚塔一座迄今歲遠年湮塔址已無墻垣猶存好古者流連憑弔目覩斷碣殘碑實不勝永慕故宮之感

土地

已墾地畝

按延吉全境土地共一百零五萬六千三百七十餘垧內除森林約佔二十三萬六千六百一十餘垧山澤約佔七十六萬七千五百六十餘垧外已墾地畝六萬六千零八十八垧五畝八分九厘其中賦田民地六萬三千六百六十五垧五畝七分九厘站地一千一百九十一垧五畝九分學田一千二百三十一垧四畝二分旗產等地縣屬均無

未墾地畝

縣境未墾地畝尚有六千一百二十八垧九畝二分五厘五毫除官地一十七垧五畝一分五厘五毫未墾不計外已放未墾站地計九百七十五垧四畝一分已放未墾學田計二千二百五十八垧九畝七分二厘未墾放領地畝計二千五百七十七垧零二分八厘

城鎮鄉屯

縣治未建築城墻全境劃分志仁尚義崇禮勇智守信春陽六鄉市鎮六處村屯五十九處

土宜

查延吉土質色黑而性寒較之膏腴之地固不及而律以磽薄之區尚覺肥美數人播種以小米
為大宗豆麥次之以是三者於土性最相宜故收穫恒豐至於種植菜蔬葱韭等類則尚可若云
花木瓜果則最不宜沿河兩岸地畝以形勢論頗似南有湖田似可種植水稻然以土性之寒加
以氣候之寒天時地利均不相宜故種水稻難期收穫藉境僅一江之隔而種水稻有宜有不宜
者以地性之寒熱故也

延吉縣志卷三

戶口

戶數

延吉地鄰朝鮮土曠人稀近年承戶口日漸增多加以鮮人越登幾倍華人調查戶口最為重要
 現查正戶計五千零四十二戶附戶計一千八百二十一戶以近三年比較之正附戶計共
 增一百六十六戶分別列表於左

延吉縣現住戶數表

地方別	正戶		附戶		合計	正附		年附	總戶
	正	附	正	附		正	附		
中區	一四三九	一三三	一五七二	一一一四	二六八六	二二三	二三三		
一區	一六四二	五一七	二一五九	二〇四	二三六三	一七六			
二區	三一二	二九七	六一九		六一六	二四五			
三區	五五七	五五八	一一一五		一六七三	一四一			
四區	五六八	一二七	六九五		七三二	一七〇			
五區	二四一	八八九	一一三	二七三	二一七三	一七二			

總計 五〇四二一八二一六八九三五九一九五二一〇七四二三三

戶數既如上述口數即可畧知查延吉人口男計三萬零四百九十八人女計一萬九千二百九十七人與近三年比較男女計共增八千六百八十一人分別列表於左

延吉縣人口表

地方別	口數		合計	近三年	
	男	女		增	減
中區	七五四四	四四六一	一二〇五	二二四三	六五
一區	六二一五	五二七	一一三四	二七四一	九〇四
二區	二七二四	二七五七	五四八一	一六七四	一五七七
三區	四六〇四	三四四八	八〇五二		七八八一
四區	七二八五	二一一三	九三九八	三八四一	
五區	二一一八	一三九一	三五〇九		五八三
總計	三〇四九〇	一九二九七	四九七八七	七四九九	一三七一
				二七三二	四七九

職業

延慶人民多係自他省移居於此者所營職業官吏公吏二百一十七人^八教員壹十四人生徒七百四十七人僧侶教徒八人醫士一百二十六人農業四千六百四十一人礦業三百六十九人商業一千三百六十人工業一千五百七十八人漁業六十一人獵業七十八人勞力二千五百一十人雜業八百一十一人無職業者五百九十三人至新聞記者與律師等緣地處邊陲絕無其人即以人民共數核計之四萬九千七百八十七人除女流與無職業者外上列有職業者共計一萬二千五百五十二人

韓僑戶數

縣治韓僑戶數共計一萬二千九百五十戶比華戶加倍惟皆未入國籍延慶縣政府之墾民查前清國籍條例凡外國人必削發易服方准入籍民國國籍法已於去年公布一以限制過嚴一以宣布未久故多未入籍即入亦屬寥寥

韓僑口數

縣治韓民均係來延越墾居住之民共計六萬五千八百五十五人至國籍之關係前已叙明

韓僑職業

延慶韓僑無職業者特多計有一萬一千四百一十八人除此以外農業者三萬八千八百八十

四人商業者一萬一千三百九十一人工業者四千二百零一人公務一百四十四人醫士九人
教員九人生徒一百五十五人其餘礦業漁業牧士等寥寥無幾

歲入總數若干

縣屬歲徵額地租賦六租吉錢三萬八千一百九十九吊三百四十七文小租吉錢三千八百一十九吊九百三十五文大租補底錢九百一十六吊七百八十四文小租補底錢一百零一吊八百六十五文違章如數解者除各公署佔用無捐地三百四十九畝六畝八分一厘七毫外隨徵代收學捐吉錢一萬八千九百九十四吊七百六十九文自治捐吉錢二萬五千三百二十六吊三百五十九文警捐吉錢一十萬零七千六百三十七吊零二十五文學田租五千五百二十四吊五百一十五文學田租糧並價錢四千七百五十八吊二百八十八文商務會代收營業附加稅平均歸警學自治費款五千五百三十六吊七百四十四文以上各款收入係按二年數自計算列入向以吉省官帖收納各地一畝收大租吉錢六百文小租吉錢六十文大租補底吉錢一十四文四厘小租補底吉錢一厘六毫學捐吉錢三百文自治捐吉錢四百文警捐吉錢一吊七百文學田每畝收租五吊學田租糧每畝收租糧一石二斗五斗不等按市行糧價變款支納營業附加稅收入方法係按各商賈價每吊抽收一十文

歲出總數若干

縣署地方支出除自治傳辦外只有警學二項按二年計算警款歲出十五萬六千餘吊學款歲出十五萬七千餘吊均係按月支領發給各有官帖並無他項幣制

國有財產

縣署房屋八十四間城基地二百八十九丈三尺五寸

官有財產

警署事務所房屋四十一間已裁儒學房屋六間衙基七十六丈

公有財產

縣屬全境各學校及自治機關公有房屋二百六十二間歸公學田地八十一垧五分畝九分前奉吉林分巡道札發華俄學堂經費吉錢三千吊於前清光緒二十九年六月發商按月八厘生息學堂津貼吉錢一萬吊亦於是年八月發商按月八厘生息此兩項息款分別按季解省惟兩等學堂經費吉錢五千吊按月發商一分五厘生息所得息錢充作學堂經費恩賞窮黎生息之款吉錢二千八百五十三吊二百六十四文係備修養濟院之用此項發商按月一分生息所得息款并終案八子母生息截至民國二年已積成數六千五百吊有奇此四項生息之款統歸商會

經理按身按季分別具報

延吉縣志卷五

警務

沿革

延吉警務之設實自前清光緒三十二年十一月始名曰延吉廳警務總局設南北分局彈壽分局合延琿和汪劃為八區及十分防所馬步巡目共每局七十人每區二十七人每分防十三人又設有督操處差遣處稽查處此外剖之組織也總局內正副警務長二人總務股豫審股行政股衛生股文牘股庶務股支應股共七股每股二員間有一人兼任者每區區長一人巡官一人每所巡長一人每處處長一人此內剖之組織也大概如此當初創時形式相具迨光緒三十三年始臻完備此合延琿和汪之地方警察也三十四年正月地方警察改為邊務巡警總局設立警務學堂以儲備警才由奉吉調來巡警一百八十人分配各局區所服務內外都兼稍或更只將督操處改為教練處差遣處改為警事處稽查處仍舊至宣統二年警務學堂改為補習所分調各局區所長警輪班補習三月後又改為教練所召募學生以教練之此合延琿和汪之邊務警察也未幾劃彈壽和龍汪清三屬警務各歸該縣主管而延吉警務之範圍亦縮小矣因名延吉府巡警局一內剖組織警務長一員總務股一員文牘兼收發一員支應庶務行政衛生各一

員教練所教員一員消防隊官一員稽查一員書記無定額一外部組織城巡一區官長警兵四十一人鄉巡四區四分所每區官長警兵十七人每所長警二十人或五人惟此時地方巡警與商埠混合宣統三年教練所改設商埠警局內延璋和汪四屬巡警教練所畢業者兩班共五十人民國元年春警察鄉巡又分五區餘仍舊至冬間商埠與地方判而為二矣民國二年按照地方警察組織法令改組警察事務所所長以下分設總務行政司法衛生四股其餘無大變更此延吉警務自開辦以來過去歷次之大改也至現在狀況範圍狹小形式上尚稱完備精神上頗難振作又以警款短絀人力單薄其在延境山林叢密之區賊匪出沒無常警察剿擊往往不敷分布且地鄰朝鮮警察行政關於外交辦理恐有疎虞將警察大加擴充限於經費無從籌措竭力維持雖無起色而保衛地方實有力焉

警區

延屬警察城鄉共分六區又四分所如圖

警額

延吉全境馬巡九名步巡八十名巡長十六名

警械